

Suliffeqarfissuit immikkoortortallit, suliffeqarfissuarni piginnittut aalajangersimasumillu ingerlatsiviusut akornanni nakkutigisaasumik nussuisarnerit akiinik aalajangersaasarnerit pillugit malitassat nalilersoqqissaqqullugit inernalu UKA2019-imi agguateqqullugu Naalackersuisut peqquneqarnissaannik Inatsisartut aalajangiiffigisassaattut siunnersuut (“Transfer-pricing”). Matumani siunertarineqarpoq akileraartarnikkut pilersarutipalaalersorsinnaanerit pinngitsoortinniarlugit malitassat sukateriffigineqarsinnaanerit, taassumalu ataani ulluinnarni ingerlatsinerit ataqqineqarnissaat.
(Inatsisartunut ilaasortaq Henrik Fleischer, Siumut)

Akissuteqaat

(Aningaasaqarnermut Nunanilu Avannarlerni suleqatigiinnermut Naalackersuisoq)

Aappassaaneerinnineq

Aningaasaqarnermut Akileraartarnermullu Ataatsimiititaliap pitsaasumik isumaliutissiissuteqarnera Naalackersuisut sinnerlugit qujassutigaara.

Nakkutigisaasumik nussuisarnerit akiinik akiinik aalajangersaasarnerit pillugit malittarisassat qanoq ilinikkut nalilersortarnissaat naapertuunnerpaanersoq pillugu Naalackersuisut isumaat Aningaasaqarnermut Akileraartarnermullu Ataatsimiititaliamit isiginiarneqarmata Naalackersuisunit nuannaarutigineqarpoq.

Malittarisassat nalilersunnginneranni malittarisassat nutaat piffissami aalajangersimasumi atuutseqqaarnissaat naapertuuppoq.

Kingusinnerpaamik UPA2024-imi naliliisoqarnissaanik erseqqissaassutaasumik allannguutissatut siunnersuummik Aningaasaqarnermut Akileraartarnermullu Ataatsimiititaliaq siunnersuuteqarpoq. Inatsisissatut siunnersuutip siuliani taaneqartup akuerineqannginnissaanut imaluunniit taama isikkoqartillugu akuerineqannginnissaanut periarfissaq allannguutissatut siunnersuummi eqqumaffiginiarneqarpoq.

Qaqugukkut naliliisoqarnissaa pillugu taamatut erseqqissaateqarnissap isumatusaartuunera pillugu ataatsimiititaliap isumaa Naalackersuisunit isumaqatigineqarpoq.

Tamanna tunngavigalugu Aningaasaqarnermut Akileraartarnermullu Ataatsimiititaliamit allannguutissatut siunnersuut Naalackersuisunit taparserneqarpoq, taamatullu naatsumik oqaaseqarluni siunnersuut Inatsisartunut oqaluuserisassanngortippara.